


2009
IUNI

SOSAIETE AOGA AMATA SAMOA I AOTEAROA



SAASIA

TAULOGOLOGO



Talofa lava. Malo le soifua maua ma le lagi e mamā i le mamalu o sui uma o le SAASIA, nai matua, komiti faafoe, faiaoga se'i oo lava i alo ma fanau laiti i totonu o a tatou a'oga amata uma i soo se itu o Niu Sila, faatasi ai ma o tatou faatinā, faatamā ma sui loaloa o le sosaiete. E ui ina aati le mālulu o le tau ma lamatia i tatou e faama'i faigata i lenei vaitaimi, ae talitonu i le silafaga alofa o le Atua o loo faasolosolo mai ai le manuia ma le ola maloloina ia i tatou uma. E tele galuega lelei ma taumafaiga matagofie o loo aliali mai i lenei vaitaimi mo le aga'i i luma ma le faaleleia atili o aoga amata eseese. O loo tatou galulue faatasi ai ma le Ofisa o Aoga, tertiary institutions ma isi ofisa faalemalo, e pei ona lipotia i lenei Taulogologo. Ua toe o ni nai masina fo'i ona tatou o'o atu lea i la tatou Fonotele e masani ai i le ta'ilua tausaga. Tautuana lea avanoa ne'i e misia auililiga taua, ma faaaliga matagofie i le tuputupu a'e o a'oga amata Samoa i totonu o Niu Sila talu mai le tausaga e 1986. Aua ne'i galo lau lesitala mo le fono ma logo vave mai pe'a fia faatino sau fetufaa'iga (workshop). Ia manuia tele galuega ma a'oa'oga o feagai ai, ae maise faamoemoega lelei uma mo le lumana'i o SAASIA. FAAFUA F TAUTOLO



Ua faapaleina nei le Afioga ia **Leautuli'ilagi Sauvao**, o se taui tauoloa mai le tupu Tama'itai o Egelani o le **Member of New Zealand Order of Merit (MNZM)**, e aloa'ia ai lana tautua i totonu o Niusila. O Leautuli o se tasi o sui o le Komiti Faafoe a le FAGASA & SAASIA. O loo galue nei faafaiaogai totonu o le Whitireia Polytechnic i Porirua. Malo le tau, malo le finau Leautuli.

Le Fetuao Samoan Language School - HAWAII

C
O
N
G
R
A
T
U
L
A
T
I
O
N
S



O le faiaoga le susuga ia Aitulagi Peto ma nisi o alo i le taimi o le latou tuituimeto. O Aitulagi na a'utau i totonu o le kolisi faafaiaoga i Epsom i le polokalame a le PIECCA.



Le susuga i le faifeau o Vaeena ma le faletua o Sulufa'iga Vae'ena, faiaoga o le Fetuao aoga amata i Hawaii faapea Elisapeta Tuupo-Alaimaleata. (3rd from the left at the back) o se tasi o faiaoga o le "University of Hawaii". O ia lea sa fai se feiloaiga ma sui o le SAASIA i Aukilani a'o faimalaga mai i le fonotaga a le FAGASA ia Aperila. Sa talanoa i ni auala e faaleleia atili ai le atinaeina o aoga amata.

NZEI Te Riu Roa ECE Teacher Supply Symposium – 15 June 09 Centra Hotel, Auckland

Sa faatumulia leni faatasiga i nisi foi ua loa le tautua i aoga amata aoao a Niu Sila. Na faasoa ma suesue ni ala e fofō ai le faafitauli ua tula'i mai, o le lē lava o faiaoga o aoga amata. Sa toatele alii ma tamaitai pule o faalapotopotoga e pei o le AKA, NZKI, EC Leadership, WKA, ABC Learning Centre, Kidicorp, Te Tari Puna Ora, AUT, UoA faapea ai ma le faalapotopotoga e ta'ua o le EC-MENZ poo alii faiaoga i aoga amata. Sa auai sui mai le MOE, NZQA, NZ Teachers Council. O Taonefoou Falesima le sui mai Niue sa fai ma o tatou sui o le Pasifika i le faatalanoaina o ni auala e faatosina mai ai o tatou tagata e fai ma faiaoga o aoga amata. Sa taulugaina leni fonotaga i le saunoaga faapitoa a le tamaitai lauiloa o Dr Sarah Farquhar (CEO Early Childhood Council). Na faaalua ai e le sui mai le MOE e tauau ina lē ausia le fuainumera o faiaoga aoga amata sa faamoemoe e oo atu i le tausaga 2012 ua ato; e pei ona faamaumauina i totonu o le Pathways to the Future: Nga Huarahi Arataki. Ma o nisi nei o mataupu sa faatalatalanoa e fesoasoani ai ai le lē lava o faiaoga.

- Ua lagolagoina le faa-talosaga i le Minisita o Aoga ma le TEC e toe faaaopopo le aofaiga o EFTS mo providers aemaise ai univesite o loo aoaoina le Teaching Diploma ECE Pasifika (as Maori and Pasifika are target areas for the new government).
- Pe le tatau ona tuu se avanoa i faiaoga tulaga lua faapea nisi o loo i ai nisi tomai faapitoa? (specialist qualifications)

http://www.nzherald.co.nz/nz/news/article.cfm?c_id=1&objctid=10579941 (silasila ane i le website lea mo nisi faamatalaga faapea le www.nzei.govt.nz)

TAUTUA AOGA AMATA IN OTARA CELEBRATES ICT AS A LITERACY ENHANCEMENT PROGRAMME IN THE CENTRE.



Sa maitauina le tumutumu o matua, faiaoga o Aoga Amata, sui mai o Aoga Faafaiaoga e pei o le AUT, MIT, NZCA faapea susuga i faipule o le itumalo o Manukau aemaise le fanau o e na fitoitonu i ai lea aso, i le aso 17 of Aperila 2009, i le Tautua Aoga Amata. Sa faatinoina ai e le fanau ni nai siva ae na maualuga le aso ona o le tomai faatenokolosi ua oo i ai susuga i faiaoga, matua aemaise le fanau.

FEILOAI MA USO AOGA AMATA – FAATAUAINA LE VAIASO O LE GAGANA SAMOA.

Le afioga ia Ugapo Faamausili ma nisi o le fanau a'o taumafai atu i sana tautalaga. Faafetai lava Taulapapa, le mamalu o faiaoga ma matua mo lea faamoemoe. E momoli atu foi le faafetai i Aoga Amata uma na faatauaina leni vaiaso faapea le FAGASA mo le lagolagoina o le tatou gagana.



MOE Pasifika ECE Fono (Counties Manukau)

Na faatumulia le faleāoga a le Auckland University of Technology (AUT) i Manukau i le aso 4 Iuni i se fonotaga āloaia a le susuga ia Karen Sewell (Secretary of Education) ma nisi o lana laulauāfono e soālaupuleina ni fofō o faafitauli o loo feagai ma aoga amata a le Pasefika. Sa maitauina ma le agaga fiafia le toatele o sui o aoga amata ma sa taulamua foi i le momoliina atu o nisi o finagalo i le Matagaluega a Aoga.



Ua uma nei la ona aoao manogi finagalo o e sa auai i lea fonotaga, ma ua i aao le Matagaluega a Aoga aua le toe faaleleia atili o le atinaeina o aoga amata a le Pasefika. Avea foi lenei avanoa e toe faamanatu atu ai i le mamalu o aoga amata na auai i lea fono e faamalolosi e faatumu a outou 'evaluation forms' sa lafoina mai e le Matagaluega a Aoga, auā o se avanoa tāua lenei e momoli aloa'ia ai o outou finagalo pe afai e le'i maua se avanoa pe sa le manino foi sau folasaga i lea po.

SAASIA WORKSHOP - WELLINGTON



E ui lava i le tetele mai o le malulu i lea aso ae na lagona lava le fiafia i le taupati mai o nai sui o Aoga Amata i se galuega fetufa'ai na tapena e le SAASIA. O le 20 o Iuni lea faamoemoe, sa faafoeina e le susuga ia Chris Mene. Sa auai nisi sui o le laulauafono a le SAASIA mai Ueligitone; le afioga ia Leautuli Sauvao faapea le afioga ia Tulimalefasi Tanielu-Dick. E momoli atu le faafetai i le susuga ia Chris, na vaaia lava le tele o au tapenaga, faafetai foi i sui mai le PIC Early Learning Centre ma le Porirua EFKS Aoga Amata. E talitonu o le a toatele nisi e auai i se isi fetufa'aiga o i lumanai. Malo le saili mo mea sili auā alo ma fanau. Faamalolosi mai i le tatou fonotele a le SAASIA o le a faia i le laumua i Ueligitone.

SUSŪ MAI MA TALA MAI AAO I LE FONOTELE A LE SAASIA 2009!!!!